

欽定大清會典事例

欽定大清會典事例卷二百四十八

戶部

俸餉

宗室俸祿 公主以下及額駙俸祿 世爵世職俸祿

宗室俸祿。親王歲給俸銀一萬兩。世子六千

兩。郡王五千兩。長子三千兩。貝勒二千五百兩。

貝子一千三百兩。鎮國公七百兩。輔國公五百

兩。一等鎮國將軍四百一十兩。二等鎮國將軍

三百八十五兩。三等鎮國將軍三百六十兩。一

等輔國將軍兼一雲騎尉三百三十五兩。一等

輔國將軍三百一十兩。二等輔國將軍二百八

十五兩。三等輔國將軍二百六十兩。一等奉國將軍兼一雲騎尉二百三十五兩。一等奉國將軍二百一十兩。二等奉國將軍二百八十五兩。三等奉國將軍二百六十兩。奉恩將軍兼一雲騎尉一百三十五兩。奉恩將軍一百一十兩。以上每銀一兩。給米一斛。○順治七年議准。親王歲給俸銀一萬兩。祿米一萬二千斛。郡王銀四千兩。米八千斛。貝勒銀二千兩。米二千八百斛。貝子銀一千兩。米一千六百斛。公銀五百兩。米一千二百斛。○八年議准。親王俸銀仍舊。郡王

歲給銀五千兩。貝勒三千兩。貝子二千兩。公一千兩。以上每俸銀二兩。給祿米三斛。○九年議准。給親王世子俸銀六千兩。郡王長子三千兩。○十年議准。親王等俸銀仍舊。貝勒歲給銀二千五百兩。貝子一千三百兩。鎮國公七百兩。輔國公五百兩。一等鎮國將軍四百一十兩。以下各遞減二十五兩。每俸銀一兩。給祿米一斛。○乾隆四十年奏准。凡退爵薨逝王公等之子嗣及宗室將軍子嗣內。裁汰應封。作為閒散宗室。仍照例給食錢糧。其現任王公之子嗣。俱不准

支給。○四十三年

諭
辦理

陵寢事務員子公等。如私罪所罰俸銀。仍照員子公之俸折罰。公事即照兼管旗務職任之俸折罰。○又奏
准。宗室世職章京。不能當差革退。而伊子年已
及歲。又能當差者。准其承襲。年未及歲者。暫停
承襲。不准支給俸祿。○五十五年

諭
年未及歲。應襲王貝勒員子公之嫡子等。俱著按其
承襲職分內。應得俸祿。未石。減半賞給。○五十七年

諭
辦理

陵寢事務居住之王公宗室等。有情願將本身應得俸米。就近移在該州縣支領者。俱照所請。○嘉慶元年議准。宗室佐領缺出。由宗人府於該旗四品以上宗室官員內。揀選帶領引

見補放。仍食原俸。○八年復准。向例大檔過部後。未經開放以前。新得職任官。無原俸原餉可支者。准其趕領新俸。閒散宗室覺羅所食錢糧。原係養贍之資。與食俸當差者不同。凡大檔過部後。補放職任官。俱准趕領新任俸祿。其應得錢糧。於補官日照數扣裁。如已入檔支食。仍令送部

交納。○道光元年復准。宗室世職章京。因不能當差革退。而伊子年已及歲。又能當差者。准其承襲。如伊子年未及歲者。暫停承襲。俟及歲時再行奏請。其未經承襲以前。不准支給俸祿。○十一年議准。宗室佐領缺出。由宗人府於該旗四品以上宗室官員內。揀選正陪。帶領引見補放。仍食原俸。兼原任行走。如四品以上官員內不得其人。於五品宗室官員內揀選補放。給予四品虛銜頂戴者。亦仍食原俸。○咸豐四年

諭。惠親王等奏本年王公大臣秋俸。請變通抵放一摺。

著依議行。忠親王應領俸銀。前經奏請俟軍務告竣。再行支領。所有本年秋季俸銀。著加恩賞給一半。○同治二年。復准。出師軍營宗室八旗人員。升補外任。未能即赴新任者。准家屬呈請將俸銀暫行留京支領。俟赴新任後。由本任關支。

公主以下及額駙俸祿。○凡在京居住固倫公主。歲給俸銀四百兩。和碩公主。三百兩。郡主。一百六十兩。縣主。一百一十兩。郡君。六十兩。縣君。五十兩。鄉君。四十兩。六品格格。三十兩。固倫公主額駙。三百兩。和碩公主額駙。二百五十五兩。

郡主額駙一百兩。縣主額駙六十兩。郡君額駙五十兩。縣君額駙四十兩。以上每銀一兩均給米一斛。如輩次疏遠王公之女。照品級封為格格額駙虛銜。不准支給俸祿等項。無品級格格亦無應得分例。○順治十年議准。自固倫公主以下至縣君。每俸銀一兩。給祿米一斛。額駙亦如之。○乾隆二十一年奏准。額駙緣事革退。其格格銀米一併停支。○三十六年具奏。王公等之女。婚配在京八旗勳舊子弟。其

世祖章皇帝近派格格額駙。俱減一等支給銀米。其輩

次疏遠王公之女。照品級封為格格額駙虛銜。不准支給俸祿。奉

旨。京城近派格格額駙等應給俸祿。均照蒙古格格額駙應給之數。按品級給予銀緞。伊等現在京城居住。加恩照應得銀數。賞給米石。○又奏准。近派宗室公嫡妻所生之女。鄉君。歲給俸銀三十兩。緞四疋。其側室所生之女。照鄉君減等。歲給銀二十兩。緞二疋。均按銀數支給米石。○五十四年

諭。凡下嫁外藩固倫公主。例支俸銀一千兩。如係在京居住者。即照下嫁八旗之例支給。從前和敬固倫公

主。雖係在京居住。而俸銀繳足。仍照外藩之例支領。年久未便裁減。仍許照舊關支。今和孝固倫公主應支俸祿。亦著一體賞給一千兩。以昭平允。○又議准。

在京居住公主額駙俸祿。除固倫公主和碩公主。並額駙照舊支給外。郡主每歲改支俸銀一百六十兩。郡主額駙改支銀一百兩。縣主改支銀一百一十兩。縣主額駙改支銀六十兩。郡君改支銀六十兩。郡君額駙改支銀五十兩。縣君改支銀五十兩。縣君額駙改支銀四十兩。鄉君改支銀四十兩。六品格格支俸銀三十兩。每俸

銀一兩。均給米一斛。○嘉慶十一年奏准。向例八旗世職外補文武職官。計其外任應得俸銀數目。在任所支領。餘贖世職俸銀。留京關支。至宗室王公之額駙補放外任。與世職事同一律。除扣外任俸銀外。餘贖額駙俸銀。亦准留京關支。○道光二十一年議准。已經奉

旨投為額駙者。其應得俸祿。均照八旗世職承襲支俸之例辦理。

世爵世職俸祿。○凡一等公。歲給俸銀七百兩。二等公。六百八十五兩。三等公。六百六十兩。一

等侯兼一雲騎尉六百三十五兩。一等侯六百
二十兩。二等侯五百八十五兩。三等侯五百六
十兩。一等伯兼一雲騎尉五百三十五兩。一等
伯五百一十兩。二等伯四百八十五兩。三等伯
四百六十兩。一等子兼一雲騎尉四百三十五
兩。一等子四百一十兩。二等子三百八十五兩。
三等子三百六十兩。一等男兼一雲騎尉三百
三十五兩。一等男三百一十兩。二等男三百八
十五兩。三等男三百六十兩。一等輕車都尉兼
一雲騎尉三百三十五兩。一等輕車都尉三百

一十兩。二等輕車都尉。一百八十五兩。三等輕
車都尉。一百六十兩。騎都尉兼一雲騎尉。一百
三十五兩。騎都尉。一百一十兩。雲騎尉。八十五
兩。恩騎尉。四十五兩。閒散公。二百五十五兩。閒
散侯。二百三十兩。伯品級官。二百有五兩。子品
級官。一百八十兩。男品級官。一百五十五兩。輕
車都尉品級官。一百三十兩。騎都尉品級官。一
百有五兩。雲騎尉品級官。八十兩。以上每銀一
兩。給祿米一斛。○康熙七年題准。外任旗員。有
世職休致。仍留世爵者。該都統冊送到部。以到

京日為始。給予世爵俸祿。○二十八年議准。八旗世爵應得俸祿。均由該都統造冊送部。然後支給。漢世爵應得俸祿。具呈本省巡撫。移咨兵部。覈明並無事故。即於本省給發。仍取地方官印結送部察覈。○三十九年覆准。漢世爵無職任者。仍給半俸。任綠營武職者。其世爵之俸。或多於職任之俸。准支世爵俸。停支職任之俸。若世爵之俸。較少於職任之俸。准支職任之俸。停支世爵之俸。○雍正十二年奏准。八旗世爵休致病故及休致有俸者。應罰俸銀。照舊扣抵。○

十三年奏准。漢世爵奉

旨。擢用京營外省及選用侍衛者。均食全俸。其發標效力未經授職。及自願效力。非

命往者。均給半俸。實授始支全俸。其奉

旨令其回籍。及不能供職回籍。並年未及歲承襲在家閒住者。均停給俸。○乾隆二年議准。八旗世爵。授為外省文職。如世爵之俸。浮於外俸。令於任所支領外任之俸。所餘世爵俸銀。並世爵祿未。均留京支領。若世爵之俸。與外俸相等。並外俸浮於世爵之俸者。俸銀均在任所支領。其世

爵祿米。仍准留京支領。○三年議准。八旗世爵。二十歲以下者。於各該旗官學。教習清漢文繙譯。俟學習三年後。該旗都統考列等第引

見。如有賦性愚魯。習於便安者。發回本旗。仍照年幼製爵例。止給半俸。令其效力行走。如行走勤謹。三年無過者。奏

聞准給全俸。其在學三年。賦性聰明。因年未及十八歲。未便請

旨考試錄用者。仍留學讀書。俟年滿二十歲。請

旨考試。○四年奏准。八旗世爵授外省武職者。其世

爵俸祿。照補授外省文官之例。留京支領。俾得
養贍家口。○六年議准。世襲佐領兼世爵者。年
至十八歲。應領全俸之時。除世爵全俸。少於佐
領全俸者。令食佐領全俸外。如世爵半俸。較多
於佐領全俸者。雖至十六歲。仍令其食世爵半
俸。若世爵半俸。與佐領全俸相等。或半俸較少
於佐領之全俸者。令其食佐領全俸。均俟至十
八歲。再領世爵全俸。○十三年覆准。兼世爵之
外任旗員。遇丁憂回旗。若別經差委。現在行走
者。仍支世爵全俸。如閒居守制。別無職任者。均

給世爵半俸。○又覆准。八旗世爵補授外任。所
有餘俸。仍照例留京。其不兼世爵之外任旗員。
停其俸祿留京。如有未完欠項。統於任所應得
俸銀內。按數扣除報部。若該員有在京子弟親
族情願代扣者。准按限代扣完結。○二十五年
議准。騎都尉又一雲騎尉。年未及歲。補授三等
侍衛。准支世職全俸。○又奏准。打牲索倫達呼
爾地方官員。由軍營調回。賞給世職。蒙

恩受職之人。及身故。其子弟承襲者。均照該處現任
職官之例。一體支給半俸。其二次承襲時。將世

職半俸停止。如子孫補放現任職官者。仍照各該本任支給。○二十七年奏准。東三省旗下世職當差者。准支全俸。及歲而不當差者。止支半俸。未及歲者。支半俸之半。○又奏准。世職兼文職。遇有降革留任之案。照文武兼任之例。在何任議處。即停止何任之俸。其世職兼武職。職任內革職留任。即於世職俸內。扣其職任應得之俸。如有餘俸。准其支領。至所兼文武職任。大於世職。係支職任俸祿者。職任內既經革職留任。無俸可支。應俟開復之日。再行支給。若革職留

任後。另行承襲世職。或補放公中佐領。給予新俸。所有降級案多。至無俸可支者。亦照此辦理。
○二十八年議准。額魯特世職各官。一體給予半俸。年未及歲者。給予半俸之半。○四十八年議准。八旗世職兼文武官員。支食世職正俸。兼

任文職

恩俸者。文職任內降革留任。向例扣其

恩俸。仍支世職俸祿。至緣事降級頂戴。仍帶革職留任者。與尋常議處降革留任不同。應將

恩俸並世職俸祿。概行停止。俟開復之日議給。○四

十九年

諭綠營員弁陣亡人員。無論漢人及旗人之用於綠營者。總應與旗人一體。給予世職。其應如何酌定章程之處。著妥議具奏。欽此。遵

旨議定。將議給世職應行承襲人員。照依旗員之例。年已及歲者。送部引

見承襲。發標學習。准食全俸。年未及歲者。具題請襲。奉

旨准其承襲後。給予半俸。○五十一年議准。分發世職人員。到標學習。委署各項員缺。准照試用

員例。於署任內分別支給俸薪養廉。○五十四年議准。八旗世職補放外任人員。應領留京世職餘俸銀兩。在京無人承領者。按季扣存部庫。俟該員升轉來京。或有使人赴京之日。照數給領。○五十六年奏准。熱河額魯特承襲世職人員。年未及歲者。照在京八旗承襲世職。年未及歲之例。支食半俸。○又覆准。世襲發標學習期滿。奉

旨者留部用。候補之員。與在標學習者不同。不得仍支世職全俸。應自奉

旨著留部用之日起。給予半俸。得缺任事之日。始給
全俸。○嘉慶元年議准。四川屯土員弁。世襲雲
騎尉。歲給養贍銀二十四兩。俟雲騎尉世職次
數襲完。賞給恩騎尉世職。歲支養贍銀九兩。年
未及歲者。減半支給。又雲騎尉拔補額設屯守
備者。仍支世職養贍銀兩。其屯守備養贍。毋庸
重支。雲騎尉拔補屯千把外委者。亦支世職養
贍銀兩。又恩騎尉拔補屯守備千把外委者。按
其世職。與屯弁養贍銀數。照依多數支給。○六

年

諭。世職等承襲時。具有願應文試者。即以本職頂戴。作為文生員。願應武試者。即以本職頂戴。作為武生員。准其一體應試。嗣後凡遇應襲恩騎尉世職者。著照此例辦理。欽此。遵

旨議定。滿漢恩騎尉呈改文武生員。其中本係文武生員兼襲者。給予世職俸銀。其作為文武生員應試者。不給世職俸銀。○又議准。世職官員。職任內有應降級留任者。按所降之級。降世職之俸。應降級調用者。每降一級。以罰世職半俸三年。抵其降調。雖過

恩詔。不准援免。○又議准。旗員補放綠營武職。兼有世職。呈請休致人員。尚能當差者。仍留世職。給予全俸。勒令休致者。雖有世職。不准給予俸祿。○七年覆准。承襲陣亡漢世職人員。年已及歲。例應驗看發標學習。於未驗看之前。奉派出征。自與別項承襲閒任人員不同。且身歷戎行。較之平時發標學習者。更為出力。應准支世職全俸銀兩。在於司庫建曠項下動給。○八年議准。恩廕生情願改就武職。奉

旨發標學習試用人員。以到標之日起。按應補職官

給予半俸。不給薪銀。俟得缺後。再行全支俸薪銀兩。○九年議准。難廕漢世職人員。遇有呈告病假。應於扣滿六箇月以後。即照承襲未經當差之例。支食半俸。其告假未及六箇月。及病痊當差之日。仍支食全俸。滿員難廕世職。亦照此辦理。此外各項世職漢員。仍照滿員之例。告假六箇月。即行停止原俸。病痊當差。再行起支。○二十五年覆准。世職兼任人員。京察休致。仍留本身世職者。准其支食世職俸祿。○道光元年議准。各部院額外官員。身兼世職。未經支食職

任俸銀者。如遇有降革罰俸。照職任俸數。在世職俸內扣除。如世職之俸。少於職任俸者。即將世職俸銀全行坐扣。○四年議准。世職兼外任文武人員。奉

旨。來京及因親老呈請終養。並在任丁憂者。自離任後。至到京以前。准支世職全俸。仍由旗入冊停領。俟查明離任日期。及前任內有無降罰案件。再行分別扣支。回旗後當差者。准支全俸。不當差者。不准支給。丁憂人員回旗後。百日服滿當差者。准支全俸。守制不當差者。支給半俸。○又

奏准。承襲雲騎尉人員。如以本職頂戴。改為文武生員應試。及由捐貢捐監承襲世職。呈請應試。並年老不願發標學習頂戴榮身者。概不准食俸。○又奏准。承襲恩騎尉人員。如以本職頂戴。作為文武生員。並年老難以發標學習。情願頂戴榮身者。不准給俸。如本係文武生員舉人進士。並現任候補候選職官。及捐貢捐監廕監之後。兼襲恩騎尉世職。均准給予全俸。○五年奏准。兼有世職旗員。補放綠營武職。在外呈請休致。俟回旗後。由旗查驗。如尚能當差。將世職

仍留本身。給予全俸。若年邁有病。經上司勒令
休致。仍留世職者。無論在旗當差與否。概毋庸
給予俸祿。○六年覆准。各省駐防廕生。入於官
員內一體差操者。按品支給俸銀。俸米馬乾銀
兩。○八年覆准。恩騎尉降二級留任。按照九品
職任官。歲支俸銀三十三兩一錢一分四釐。○
十年覆准。漢世職因病回籍。病痊後來京。欽奉
諭旨回籍候旨者。自奉

旨之日起。給予世職半俸。○又覆准。世職兼職任官。

奉

旨原品休致。賞給全俸半俸者。如世職之俸。多於職任。支食世職俸銀。如職任之俸。多於世職。支食職任俸銀。均以奉

旨之日起支。○十三年覆准。承襲恩騎尉。尚未入營學習以前。取進文生員者。准其兼襲應試。支世職半俸。○十六年奏。文武生員兼襲一二三等輕車都尉。騎都尉。准其應試。支食世職全俸。其捐貢捐監。不准兼襲。亦不准將世職改作生員應試。奉

旨嗣後承襲一二三等輕車都尉。及騎都尉世職。比照

雲騎尉恩騎尉之例。准其以文武生員兼襲。應試。支食世職俸銀。該部仍於帶領引見時。將應否兼襲之處。聲明請旨。其捐貢捐監人員。概不准其兼襲。亦不准以本非文武生員。將輕車都尉騎都尉世職。改作生員。應試。以示限制。該部即纂入則例。永遠遵行。

又奏准。凡雲騎尉恩騎尉世職。由捐貢捐監廕監承襲。呈請考試。並以世職頂戴。應試。與改作文武生員。應試。後經中式舉人進士者。概不准食俸。其年老不堪發標學習。情願頂戴榮身者。亦不准食俸。如本係文武生員舉人進士。暨現

任候補候選官員兼襲者。均給予世職全俸。○
十八年議准。發標學習期滿。保送隨營候補之
漢世職。有弓馬生疏。營伍未諳。並無行止卑汙
別項劣蹟。經督撫劾參者。革去隨營候補。仍留
世職。准其支食半俸。○二十年覆准。承襲世職
年未及歲。應領半俸。其祖父有降級調用折罰
半俸未完銀兩。仍令按數接扣。不准支給。○二
十七年議准。承襲世職年已及歲。未諳弓馬。不
願發標學習者。毋庸給俸。○又議准。世職人員年
已及歲。患病成廢。不能收標學習。經兵部題請開

缺者。不准支食半俸。○二十八年議准。難廕千
總等官。因案降調候補。未經考驗發標以前。支
食無乾馬餉。俟發標考驗後。准支有乾馬餉。在
於建贖項下動給。○三十年覆准。直省難廕世
職兼職任人員。丁憂服滿。尚未當差者。止給世
職半俸。到省候補之日起。准支世職全俸。○咸
豐元年議准。直省發標學習世職人員內。有咨
部勒休。及緣事斥革。俱以督撫衙門出咨之日。
任支當差全俸。其離營以後。開缺以前。仍留世
職之半俸。有未支者。統限一年期內。呈請找領。

逾限概不准支。以示限制。○二年數准。漢世職兼任別省。計其新任應得俸銀數目。隨任關支。餘贍世職俸銀。准留籍由家屬支領。若不敷養贍。准將世職全俸留於原籍。養贍家屬。仍於任所扣缺造報查覈。○又覆准。八旗世職佐領等官。別兼文武職任者。緣事革職後。其應繳長支世職俸銀俸米。實係家產盡絕。無力完繳。以伊子孫現食錢糧扣抵。○三年覆准。恩騎尉七品世職。因案降二級留任。按照九品職任官。歲支俸銀三十三兩一錢一分四釐。其察哈爾恩騎

尉世職。本係半俸。遇有降留。按所降之級。照例支食半俸。○四年咨准。河南省世職俸。由官兵俸餉。應扣小建裁曠建曠米折等銀項下動給。○八年覆准。世職官員職任內。有應降級留任者。按所降之級。降世職之俸。應降級調用者。每一級。以罰世職半俸三年。抵其降調。其察哈爾世職。本食半俸者。每一級。按半俸罰扣六年。抵其降調。遇

恩詔不准援免。○同治二年覆准。世職人員年未及歲。准食半俸。及歲後投驗發標學習者。俟題准

收標。起支全俸之日。住支半俸。如驗看時。實因
膂力未充。發回原籍者。准食半俸。仍俟膂力充
壯。題准收標。起支全俸之日。住支半俸。儻及歲
後自行稽遲。並不投驗。即於及歲之歲首起。住
支半俸。俟投驗收標之日。起支全俸。○五年奏
准。八旗軍功廕襲七品八品監生。未及歲時。先
支食養育兵錢糧。俟及歲後隨旗當差者。照例
按品給俸。○六年覆准。駐防世職報捐文職。分
發省分候補。仍兼世職者。應得俸銀。仍照最多
之數。從一支食。其原領未折馬乾銀兩。即行停

支。○七年奏准。難廕出身。因別立勞績。保升官階。發標候補武職人員。自到標日起。照所保官階。支食半俸新銀。其曾經捐納各項人員。續保升階。發標候補者。仍不准給予俸新。○九年奏准。

東陵

西陵及吉林等處駐防馬甲人等。承襲京旗騎都尉等世職。並非承祧。亦非專辦京旗事務者。如伊祖塋係在原處。無人看守。准其呈回原處當差。以便守墓。其應食俸銀米石。准移於該處支領。○

又覆准。滿漢世職等官。別兼文武職任者。病故後。其應繳長支世職俸銀俸米。查明實係赤貧。准其於承襲世職之員。應領俸銀俸米內。以一半扣抵。一半准其支領。以資養贍。如未及歲。未當差者。亦於應領半俸銀兩未石。以半俸之半扣抵。○十一年覆准。承襲雲騎尉。恩騎尉。世職。年未及歲。支食半俸。及歲後。尚未入營學習。復經中式。文生。改請兼襲者。仍支世職半俸。○又覆准。滿漢難廢世職人員。遇有因病告假。扣滿六箇月。以後尚未當差者。照陣亡漢世職承襲

未經當差之例。支食半俸。其告病假未滿六箇

月。及病痊當差之日。均准支食半俸。

如有舊疾不能附牒。

告病開缺。或值軍政查閱營伍之時。因病告休。即自呈告之日起。改給半俸。毋庸扣算六箇月。

限凡遇丁憂給假回籍治喪。飭令依限回營。照

告病給假限期。在六箇月以內。准食全俸。如六

箇月以外。尚未到營當差。准其支食半俸。俟銷

假當差之日。起支全俸。至別項世職漢員。照滿

員定例。告病六箇月後。即行停止原俸。俟病痊

當差。再行起支。○又議准。湖南省承襲世職人

員。支食全半俸銀。除例定文武生員舉人進士。

及現任候補候選職官兼襲世職應食全俸人員。及體弱發標時膂力未充發回原籍准食半俸人員。一概暫停支發外。所有發標學習並年未及歲世職。凡係承襲騎都尉以上者。分別全俸半俸。各減五成支發。凡係承襲雲騎尉以下者。分別全俸半俸。各減四成支發。其餘丁憂終養。例食半俸人員。一律照減。○光緒二年奏准。湖南省七八品廕監應支馬餉。暫改守糧。○又覆准。捐納員外郎學習到部。嗣因承廕廕生。奉旨仍以員外郎在部行走者。即支領正俸。○三年奏

准。雲南省世俸。參酌湖南浙江兩省章程。文武生員舉人進士。暨現任候補候選職官。兼襲世職。應支全俸人員。及體弱發標時。膂力未充。發回原籍。准食半俸人員。一概暫停給發。其發標學習。及年未及歲世職。凡係承襲騎都尉以上。分別全俸半俸。按五成支發。雲騎尉以下。照例定全俸半俸銀數。亦減半發給。如年已及歲。應行隨營效力之員。以到營之日起支。僅期滿考驗。弓馬未能嫻熟。營伍未能諳練者。以期滿之日停俸。俟展限期滿回營之日。再支俸銀。如年

未及歲之員。先經奉

旨准其承襲。及歲時並不呈請發標者。即將俸銀停給。其丁憂終養。例食半俸人員。亦暫行停支。○又奏准。安徽省各標世職。仿照江省定章。不分品級大小。投標當差者。月給銀四兩。年未及歲者減半。恩騎尉一項。照例定銀數支給。○四年奏准。湖北省文武生員舉人進士。及候補候選職官兼襲世職人員。俱照新章減成支給俸銀。受職補缺後。即行停支。○七年咨准。察哈爾因案撤去委參領委駝騎校。摘去頂戴。仍留營當

差原食世管佐領護軍校底俸。仍准支領。○八年奏准。四川省承襲雲恩騎尉以上世職。年未及歲。應食半俸人員。並年已及歲。收標學習。及文武生員。候補職官。兼襲世職。應食全俸人員。一律覈減五成支發。其膂力未充。發回原籍。應食半俸人員。暫行停給。至現任職官。兼襲世職人員。無論官階大小。均支食職俸。毋庸支食世俸。○又咨准。雲南省武舉武生。兼襲世職入營當差者。仍支給五成俸銀。○又咨准。三品廕生年已及歲。情願改武在旗當差者。即按品食俸。

○九年咨准。四川省公侯伯子男五等世俸。一律覈減五成支發。○又咨准。江蘇省總理親軍營務處三等男爵。應支俸銀。照湖南章程。覈減五成支發。○十年奏准。江西省凡承襲騎都尉雲騎尉。息騎尉者。均分別全半俸。照例定銀數。各減四成支給。內除舉人進士。暨現任候補候選職官。兼襲世職。應食全俸人員。暫行停發外。其文武生員。兼襲世職。應支全俸人員。給予減成半俸。投驗時。膂力未充。發回原籍者。亦給減成半俸。丁憂世職。例給半俸人員。責成營縣。確

查報明。給予減成半俸。終養及革退世職人員。亦給予減成半俸。○十一年奏准。河南省世職應支俸銀。凡承襲騎都尉。雲騎尉。恩騎尉者。均照例定應支人數。分別全俸半俸。統照河南綠營俸餉章程。自光緒十二年起。各按七成支發。

欽定大清會典事例卷二百四十九

戶部

俸餉文武京官俸祿

文武京官俸祿○正從一品俸銀一百八十兩
米一百八十斛。正從二品俸銀一百五十五兩
米一百五十五斛。正從三品俸銀一百三十兩
米一百三十斛。正從四品俸銀一百有五兩。米
一百有五斛。正從五品俸銀八十兩。米八十斛。
正從六品俸銀六十兩。米六十斛。正從七品俸
銀四十五兩。米四十五斛。正從八品俸銀四十

兩。米四十斛。正九品俸銀三十三兩一錢一分。
四釐。米三十三斛一斗一升四合。從九品俸銀
三十一兩五錢二分。米三十一斛五斗二升。未
入流俸銀祿米。與從九品同。宗人府宗室筆帖
式。照給七品俸。各部院七品筆帖式。歲支俸銀
三十三兩。米三十三斛。八品筆帖式二十八兩。
米二十八斛。九品筆帖式二十一兩一錢一分。
四釐。米二十一斛五升。○順治元年定。一二品
漢官。歲給柴薪銀一百四十四兩。三品一百二
十四兩。四品七十二兩。五六品四十八兩。七品

三十六兩。八品二十四兩。九品十二兩。在俸銀之外。○五年定。各衙門未入流筆帖式。月給銀二兩。○七年奏准。內府官不支俸銀。月支米二斛。○十年定。旗員每俸銀一兩。給米一斛。漢官不拘品級。歲支米十二石。○十三年議准。文武官俸祿。不論滿漢。一例照品支給。裁漢官柴薪銀。○康熙十年議准。在京漢官俸祿。各該衙門總領分給。凡新除升轉各官。遇領俸時。吏部兵部咨送到者。准給。過期者。不准補給。○二十三年覆准。在京王以下八旗文武各官俸祿。每年

於春秋二季。覈實人數。於未給之前。先行題請。如有罰俸降級者。憑各衙門文移。臨時裁扣。○四十七年題准。巡捕營官兵。由民籍武職補授者。准支給俸薪。由旗員補授者。不必支給。○雍

正三年

諭朕體恤臣工。時深軫念。每思經理區畫。以贍其俯仰之資。舊例在京漢官。每年俸米皆支給十二石。即可粗足。現今漢官攜帶家口者多。若俸米仍照舊數。食用或有不敷。居官難免內顧之憂。嗣後在京大小漢官。著照俸銀數目。給予俸米。俾祿糈所頒。足供養贍。

○五年議准。柳村牘官。歲支俸銀俸米。向在宛平縣地丁項下支領。今既隸奉宸苑。應入京俸冊。每年春秋二季。奉宸苑造冊過部。領俸時再具印領支給。○六年

諭吏戶兵刑工五部堂官內。除差往外省署印外。俸銀俸米。著加倍給予。其署理之堂官。亦照此賞給。若遇罰俸案件。將朕分外賞給之俸。不必入議。○十年覆准。八旗副護軍校副驍騎校。每月食餉銀五兩。如遇閏月。轉比護軍校驍騎校六十兩。俸銀多。得五兩。嗣後護軍校驍騎校。不必支俸。每月支

銀五兩。○十一年覆准。在京漢官俸祿。令各衙門將應領銀米數目。於領俸前一月。造冊二本。咨送吏部稽俸廳稽察。有升遷降調事故。應行增除。於原冊內註明用印。一本存案。一本送部給發。巡捕三營官弁俸祿。先期造冊咨送兵部覈轉。領俸之期。春季自二月初一日起至初七日止。秋季自八月初一日起至初七日止。遇有除授升遷。准其一例關領。過初七日不准補支。○十二年題准。四品官應支俸銀一百五兩。八旗內府及王公府屬佐領。與旗下佐領均係四

品。而支俸則一百一十兩。殊不畫一。應照八旗佐領例。每年均支銀一百五兩。俸米一例。關支。

○又奏准。漢世爵送部引。

見擢用。及選用侍衛。或分發巡捕三營者。准支全俸。其漢軍補授門千總者。支領銀米。照漢弁辦理。

○又議准。京官降罰事件。奉

旨。後。吏兵二部註冊。知會到部。領俸時。各該衙門將各官有無事故。逐一造冊。咨送吏兵二部覈對。外官調補京職。有隨帶降罰案件者。亦令本人呈明該上司。一例造送。候吏兵二部稽察。轉咨

到部。覈實給發。○又題准。在京各官支俸。春季於豫年十二月十五日。秋季於六月十五日以前。造冊送吏兵二部考覈。移咨到部。儻有遺漏。或稽察未清。銀米舛錯。照例叅處。在京漢官。以二月八月初七日為限。凡初七日以前有開復者。准其補領。老病告休。革退物故者。悉行裁扣。若初七日以後。不准補領。亦不裁扣。革職者。仍裁扣。至八旗各官冊籍過部之後。不補不裁。革職者。仍裁扣。出師官舟有議處者。俟凱旋之日。具奏請。

旨再京外額外官弁。在任辦事。俸銀祿米。亦照銜支領。○又覆准。

盛京等處及各省旗員。或由現任調補京職。或由現任升轉京職。凡冊籍未經過部。該旗即造入冊內支領。如冊籍過部之後。升轉京職者。該旗照依該員原銜造冊送部補領。其調補京職人員。亦令照依原銜一例造送。所有新任應得之俸。統於下季分別入冊支領。○乾隆元年

諭八旗護軍校驍騎校等。多由兵丁選補。遇有事故。罰俸。恐致養贍無資。嗣後遇有罰俸案件。不必全扣。著

每月扣除一半。支領一半。俾得藉此半餉。稍資用度。

○又

諭禮部堂官。照五部堂官例。給予雙俸。○又

諭後食為事君之心。重祿乃勸臣之道。從前在京文官。俸入未足供其日用。時廩

皇考聖懷。是以雍正三年

特旨。加增漢官俸米。而各部堂官。又加恩給以雙俸。其餘大小各官。原欲次第加恩。俾得均霑渥澤。今朕仰

體

皇考加惠臣工至意。仿照雙俸之例。將在京大小文官

俸銀加一倍賞給。令其用度從容。益得專心於官守。所給恩俸。著自乾隆二年為始。再從前賞給各部堂官雙俸時。欽奉

皇考諭旨。遇有罰俸事件。止罰正俸。其恩俸仍行支給。今各官所加之俸。亦照此例行。○又

諭向來科道於奉旨內升外轉之日。即離原任。俸祿公費。均不支領。嗣後科道官內升外轉者。俟補授後。再離原任。其未補授之先。仍食原官之俸。照舊辦事。○又奏准七品筆帖式。歲支俸銀三十三兩。米三十三斛。八品筆帖式。歲支俸銀二十八兩。米二

十八斛九品筆帖式。歲支俸銀二十一兩一錢一分四釐。米二十一斛五升。○又議准。八旗官在俸冊過部後補授者。除佐領世爵外。凡有原任俸餉者。不准補領。如無原任俸餉可支。春季於正月三十日。秋季於七月三十日以前奉旨補授者。均准其造冊送部補領。其緣事開復之員。如在正月三十日。七月三十日以前者。亦准一例補領。若在二月初一日以後補授者。不准補領。○又覆准。由部曹出差學政。帶翰林銜。仍照原官論俸推升。其應得之俸。仍由原衙門

按季支領。○二年

諭昔年

皇考念部務繁多之尚書侍郎。

特恩加賜雙俸。並令遇有罰俸處分。免罰加賜恩俸。此格外曠典也。上年朕將在京文官俸銀。概加一倍。大小均霑。雖名恩俸。實即正俸。若遇處分時。亦照從前部堂之例。不罰加增之恩俸。是在京文官。竟無罰俸之事。何以示懲。且與武弁事不畫一。未免偏枯。嗣後大小京官。遇有罰俸案件。將本身應得之俸。按年按月計算。不必分析扣除。○又議准。批本官。傳奏官。辦

理

養心殿造辦處

懋勤殿

暢春園

圓明園

中正殿繙書房熱河等處事務之御史郎中員外郎主事筆帖式等官暨

實錄館律例館辦事各官雖不隸於各部院衙門亦均屬經制之員非各部未經授職在額外行走候補者可比應一例准其支領

恩俸。○又覆准。欽天監滿天文生。給予九品俸祿。而漢天文生仍舊食餉。未能盡一。應令欽天監堂官。於漢天文生內。將精通算法。行走勤慎者。選取二十四名。送部註冊。一例給予九品俸祿。其餘五十六名。仍月食餉銀一兩五錢。○三年奏准。已經任事。未經授職。及由考選錄用。並無過犯。奉

特旨。在各衙門試用等官。照現任銜支食正俸。受職之後。支給雙俸。其被叅部議降調試用人員。毋庸給俸。受職後照例支給。○又議准。

盛京升選各官。有因父母年老。或家口衆多。不能隨任。願將俸祿留京。以充養贍者。向來准留俸銀。不准留米。嗣後各該旗體察情由。咨部。准將俸米一併留京支領。如父母家口並未留京。假捏冒領者。將該員與該管官。並行叅處。○又奏准。凡督撫將軍衙門。及

盛京等處。年滿回京。候補京職之筆帖式。均由吏部掣籤。分發各部院學習。令該旗照原行俸祿造冊支領。俟補授之日。再於新任內。照京官例領俸。○五年議准。外任旗員。遇有丁憂回旗。經

本旗引

見奉

旨。在原衙門額外行走者。支領單俸。如遇該衙門經制員缺。該堂官奏准。令其署理者。照經制官一例支領雙俸。○十三年奏准。京官俸銀祿米。於二月八月支領之後。有降革者。其已支銀米。毋庸追繳。○又議准。八旗現任罰俸。旋經革職之人。所有未完罰俸銀。照直省例。一例追繳。○又奏准。賞給大臣官員職銜。如有差委者。照所賞職銜支給俸祿。若雖經賞有職銜。未有差委。及

自備資斧。效力贖罪者。均毋庸議給俸祿。○又奏准。八旗署事官。係現任兼署。有本任俸祿可支者。毋庸支給。署任俸祿。如無本任俸祿者。照所署官給以俸祿。○又奏准。八旗大小官員。離任候

旨。未有職任。旋奉差委者。令該旗奏明請

旨。酌給俸祿。若係獲罪降革之人。奉

旨委辦事務。未經賞有職銜者。毋庸議給。○又覆准

八旗已經任事。未經受職官內。由廕敘考取轉

調。並無過犯。奉

特旨在各衙門試用行走者。均照銜支給正俸。實授日給雙俸。若被參革職。部議降調。奉

旨在各衙門試用行走者。毋庸給俸。俟補官日支給。○十四年奏准。寶泉寶源二局大使。刑部司獄。例由本部筆帖式內。遴選補用。期滿仍回原任。並不開缺。均令仍支筆帖式原俸。○又覆准。向例八旗文武官弁。於俸冊過部後升授外任者。冊內俸祿。皆不扣除。但外官抵任之日。即應起支新任俸銀。實屬重複。嗣後俸冊過部後。補授外任之旗員。其俸祿即於本季扣除。其由兵丁

升授外省者亦即扣除下月錢糧。○又覆准。

盛京等處旗員於俸冊過部後升調回京者仍照例支給原任單俸。至各省經制文官於俸冊過部後升調京職者照該員新任應得之俸給予單俸。綠營武職於俸冊過部後升調京職者給予新任俸祿。○又覆准俸冊過部後新授人員如有原任俸餉可支例不補領新任俸祿。如無原任俸餉准其支領。至由各旗官學生補授人員向仍支官學生廩餼並不補領新任俸祿。辦理未能畫一。向來八旗滿洲蒙古官學生月支

銀一兩五錢。漢軍官學生。月支銀一兩。原係膏
火之資。與原餉不同。應照無原餉可支之例。給
予新任俸祿。○又奏准。滿中允司業。由員外郎
升任者。該員原係五品。仍支五品俸。由主事助
教升任者。俱按現任品級支食六品俸。○十五
年奏准。由監生官學義學生補用天文生。照天
文生由生員出身支食八品筆帖式俸銀之例。
各按品級支給筆帖式俸祿。○又覆准。八旗官
員俸冊定例。春季於豫年十二月十五日。秋季
於六月十五日過部。兵丁錢糧於上月十五日

過部分別扣支。嗣後官兵俸餉。凡升轉病故。若在十五日。即照冊籍未經過部例辦理。至十六日。仍照冊籍已經過部例辦理。○又覆准漢侍衛等告假回籍。奏准日期在六月十二月十五日。俸冊過部以後。准支本季俸祿。如在未經過部以前。即行扣除。其回京銷假。支領俸祿。亦統以俸冊過部日為準。○十八年覆准京官俸米。均令按季赴倉關支。春季者不得過秋季。秋季者不得過次年之春季。補領如違。倉場侍郎報部註銷。○二十四年議准武職丁憂回旗。在京

職上行走者。照文職丁憂之例。按行走職任給俸。○二十六年議准。旗人由外省年滿調京。並裁缺另補。以及病痊候缺。奉

旨在京職上行走者。照丁憂回旗在各衙門行走之例。一體給予俸祿。○二十七年議准。署理六部堂官。如並無本任。署理升調事故員缺。及出差員缺者。支署任單俸。現任職官署理者。除應支正俸外。兼支署任

恩俸。○又議准。在京文員支給雙俸。若遇罰俸。向例將

恩正俸銀一併議罰。至兼攝人員。若於文職任內罰俸。自應照文員之例扣罰。○二十九年議准。各衙門筆帖式罰俸。照護軍校之例。一體減半坐扣。○三十一年奏准。科道巡漕。無論南漕北漕。一概支給單俸。此差欠裁。○又議准。瓜洲濟甯漕差。係年前起程。其

恩俸銀兩。於春季俸冊內扣除。天津通州漕差。起程在春俸以後。於秋季扣除。欠裁。○三十五年具奏。火器營每翼添放正翼長二員。再營總八員內。作為兩員委署翼長。不准出缺。奉

旨正翼長應得之項。俱照健銳營翼長支給。○三十六年覆准。罰食半俸之員。遇有罰俸。仍按該員品級全俸扣罰。○四十一年議准。京員春秋二季關俸後。一切事故。照降級之例。概不扣追。其在京綠營武職。計日支俸者。不在此例。○又議准。滿缺官俸。由旗造支。漢缺官俸。由各衙門造支。漢軍雖補漢缺。亦由旗造支。鑾儀衛漢缺官暨漢侍衛。俱隨旗支領。○又議准。委署前鋒侍衛之前鋒校。委署護軍參領之護軍校。仍食原錢糧。所有前鋒校護軍校之缺。於前鋒護軍內挑

補委署。亦仍食原錢糧。○又議准八旗頭二三等侍衛。均按品支俸。其從五品之四等侍衛。歲支正俸銀七十兩。米三十五石。○四十四年議准。侍衛等告假出外。並非奉差辦事者。所食馬錢。停其支領。○四十六年覆准。理藩院學習托忒字話官學生。照唐古特官學生之例。一體給予錢糧。○四十七年議准。各部七品小京官。學習未滿三年。給予七品正俸。其年滿奏留。奉旨授為七品小京官。食俸辦事人員。兼支七品恩俸。○又覆准。唐古特喇嘛隨印九品空銜筆帖式。

賞給額外主事。未經實授以前。照額外主事應支單俸銀數。按季減半支銀十五兩。○四十八年覆准。八旗官員。凡遇議罰錢糧之案。除閒散宗室覺羅。折罰養贍錢糧。議抵罪名。罰停餉銀。仍行按月全數扣除外。其月支原餉各員。應罰餉銀。均減半坐扣。○四十九年議准。八旗武職。有前議降級罰俸後。將加級紀錄送部請抵時。值大檔過部。而所議降罰應否准抵。尚未題准。行知之案。將俸祿照案暫停。如准其抵銷。俟奉旨後補領。○五十年奏准。八旗捐納候補分部學習。

人員未經補授實缺以前。毋庸給俸。○五十一
年

諭在京文武官員。有降級革職留任者。止將俸銀分別
停減。其應得俸米。俱准其照原品支領。欽此。遵

旨議定。凡在京文武官員。遇有降級革職留任。以及住
俸降俸處分。止將俸銀分別停減。其應得俸米。
均照原品支領。○五十三年

諭向來六部尚書侍郎。每年俱給予雙俸雙米。而大學
士之兼管部務者。則照尚書例俸米。俱屬雙支。其不
兼部之大學士。每年係雙俸單米。大學士領袖班聯。

職分較大。所得俸米。比尚書轉少。殊未允協。嗣後大學士之不兼部務者。亦著加恩。給予雙俸雙米。以符體制。○五十四年奉

旨。光明殿掌印住持。著照副住持每月所得銀米一體支給。○又具奏。國子監八旗官學額設官學生共八百五十名。挑選其多讀經書。文理明順者。給予雙分錢糧。每學限以十名之內。甯缺無濫。奉

旨。每旗於百名內裁去十名。挑取多讀經書。文理明順者二十名。將此十名錢糧。分為二十分。給予。以昭鼓勵。○五十六年。奏准。前鋒親軍。護軍。駝騎。校等。應領

俸銀俱造入兵丁錢糧冊內。按月支領。如遇閏月。一體支給。○又議准。八旗漢軍武舉。准入巡捕營效力行走。五年後。准給千總半俸。○又議准。各部院滿漢官員。告病後不及一年。已痊愈者。如無額缺人員。即令在本衙門行走。扣定一年。方准領俸。其得實缺之員。亦著先在原衙門辦事。仍扣滿一年。准其補缺食俸。○又議准。侍衛告病。至半年後未愈者。停其給俸。○五十七年。議准。京察應去人員。於春季大檔過部以後。開放以前。題准休致降調者。原領俸祿。俟秋季

裁汰。其春季入檔銀米仍舊支領。○五十八年覆准。八旗在京文職官員。有丁憂未滿。奏明升授各缺者。未經服闋。實授以前。照新任支給單俸。○六十年覆准。太醫院御醫吏目醫士等官。遇有丁憂。均住俸三月。○嘉慶元年議准。八旗官員降級留任者。俸銀按所降之級支給。○四年奏准。向來

陵寢官員。止予單俸。不能養贍家口。應將銀庫郎中員外郎。司庫等四員歲支養廉銀一萬八千五百兩內。除幫貼

盛京五部侍郎及理藩院軍機處養廉銀二千九百一十六兩九錢四分四釐外實共支養廉銀一萬五千五百八十三兩零應再減一半銀七千七百九十一兩五錢零即作為

陵寢司員雙俸計贊禮郎讀祝官內務府正管領副管領等一百八十九員應加雙俸銀九千二百三十八兩二錢一分八釐以裁減銀庫司員養廉全數抵給外尚不敷銀一千四百四十六兩六錢九分再將戶部寶泉局滿漢監督二員每年應得銅批飯銀六千六十六兩二錢八分酌減

一半抵補不敷加俸銀兩尚餘賸銀一千五百八十六兩四錢五分。遇有應行添用之處再行覈辦。○六年

諭嗣後關領俸米如有逾定限不獨將該員應領米石照例扣留存倉並當治以遲延之罪。欽此。遵

旨議定。支放俸米。春季自二月起。秋季自八月起。旗員限六十日。漢員限四十日。按限放完。逾限不完。監督並監放官一併議處。如領米官員無故違限。將應領米石停給。仍分別議處。○又議准在京漢官造送俸銀俸米冊檔。春季於十二月十

五日。秋季於七月初一日。將應支應扣細數。分送吏兵二部覈對。轉咨戶部給發。其截俸日期。二月八月各以初七日為限。各官升遷除授開復。在初七以前。准其補領新俸。在初七以後者。不准趕領。病老告休物故。在初七以前。裁除原俸。在初七以後者。毋庸趕裁。緣事革職之員。雖事在截俸日期以後。仍行裁扣。儻俸冊不依限送部。及應扣不扣。經吏兵二部查出。即行察議。

○七年

諭向來在京文武官員。遇有降級革職留任處分。俱將

應得俸銀俸米。一律停減。乾隆五十一年欽奉

諭旨。令將降革留任人員。止分別停減俸銀。其俸米仍
准照原品支領。所以體恤臣工。尤為備至。因念

陵寢及盛京官員。與在京各官。事同一體。嗣後遇有降
革留任處分。准照在京文武官員之例。止分別停減
俸銀。仍准支食俸米。以昭平允。而示體恤。著為令。○

八年覆准。現食錢糧之候補筆帖式。遇有革職
留任。限年開復。其處分既於補缺之日起扣。則
應扣銀兩。亦應於補缺之日起。照例扣除。未經
補缺以前。本身錢糧。仍照常支給。○又奏准。八

旗考取在館效力行走人員。除有原餉可支者。仍照舊例辦理外。其由養育兵官學生閒散捐納監生及候補貼寫中書等。考取各館繙譯謄錄。並各部院繕本貼寫筆帖式學習鳴贊贊禮郎等官。本無原餉之人。不准給予馬甲錢糧。如有濫行挑補者。指名叅處。○又議准各部院衙門候補人員。如遇出差等事。該堂官先行奏聞。尚未引

見者

恩俸銀兩。不准支給。○九年奏准在京文武旗員暨

兵丁拜唐阿等告假出外。無論程途遠近。奏准給假。由吏兵二部照例扣除往返程途。按該官兵等由京起程之日起限。總以原給假限為準。其限滿後回京者。即行照例裁支俸祿錢糧。如有在外呈明咨請展限者。其應支俸餉。仍以原給假限扣算。○十一年奏准。各部院滿漢官員。具呈告病。未滿一年。病已痊愈者。如無額缺人員。即令在原衙門行走。扣足一年。方准領俸。其由實缺告病之員。經原衙門奏留者。亦扣滿一年後。該衙門奏准補缺之日。方准支俸。○又奏

准各部院丁憂服闋假滿開復坐補人員奏留
在原衙門行走。並捐納分發各部院衙門行走
候選各官。俱不准給予俸銀。二十五年覆准。
滿漢翰林進士出身。

召試舉人以中書用。及翰詹改用部屬。教習進士以
主事用。滿漢廕生額外行走人員。一體給予正
俸。仍給公當。道光元年覆准。凡裁缺另補及病痊
候缺等官。原任並無事故。奉

旨在京員上行走者。按行走職任給正俸。其外任欽

奉

特旨來京。改用京職。在職任上行走者。毋庸給俸。○
四年議准。春秋兩季俸檔過部之時。除將已經
奉文應扣降罰案件。該旗照舊註明外。戶部仍
行文吏兵二部。並各旗。將此半年之內。截至開
放以前。在京同京現任文武旗員。有無續報降
罰案件。隨時開單咨部。由部查明俸檔內。如有
應扣未扣之項。即一面片行該旗。一面存庫抵
交。○又議准。旗員降罰之案。除經吏兵二部。以
本員加級紀錄題准抵銷者。扣過銀數。仍照舊
准其補領外。其降罰及分賠代賠等案。如奉

旨寬免在開放以前。准其補領本季俸銀。寬免在開放以後者。不准補領。其餘彙題豁免之項。扣過銀兩。概不准找領。○又議准在京文武旗員及兵丁拜唐阿等呈請告假。並奏准給假。均按四箇月之例。作為原給假限。一體扣除往返程途。如逾四箇月例限。分別裁扣俸餉。○六年覆准八旗奉

旨休致官員。俸銀已經入檔。如奉

旨日期在截俸以前。入檔俸祿仍不准支食。不以任所奉到

諭旨之日為斷。○八年覆准。在京八旗及駐防武職。如有前議降級罰俸。後將加級紀錄送部請抵。時值大檔過部。而所議降罰應否准抵。兵部尚未題准。行知者。概照案暫停領俸。俟題准抵銷。後再行補領。不得僅將請抵緣由。於冊檔內聲明請領。○九年覆准。武職休致官員。奉

旨賞給全俸半俸者。如題准後。續經查有降級留任革職留任之案。仍照題准原品。支給俸祿。○十三年議准。發往河工試用京員。尋除京職公費。毋庸支領外。其應支京職

恩正俸銀。分別實缺候補。就近於各該省藩庫地丁
項下動給。又應支京職俸米。南河於該省存倉
米內撥給。東河於該省常平倉內。以粟米支給。
如期滿奏留河工後。即行停止。並每員每日酌
給薪水銀二兩。就近於該省藩庫耗羨項下動
用以到工之日起支。離工之日住支。小建扣除。
遇閏加增。如係捐納出身。或捐復之
員未經補缺者。概不支俸。○十四年
奏准。唐古特官學生。考補喇嘛印務處筆帖式。
無分額設貼寫學習。額設二員。貼寫
二員。學習四員。俱係八品
空銜。雖由進士舉人生監出身。亦仍給官學生

原錢糧。不准食俸。○二十一年奏准。在京各衙門漢員。並五城司坊官員。五營員弁。造送俸銀俸米冊檔。春季限本年正月二十日。秋季限七月二十日。將應支應扣細數咨送戶部。再造冊一分。分送吏兵二部稽覈。後均於二八月初一日以前。送至戶部。於十二日開放。其截俸日期。正月七月。各以二十日為準。此內各員。如有降級在先。罰俸在後者。按所降之級覈扣。如遇罰俸後始議降級者。仍扣原罰俸數。於俸冊內註明。至各官升遷除授開復。在截俸日期以前者。

准補行造冊。趕領新俸。在截俸日期以後者。不
准趕領。病老告休物故。在截俸日期以後者。原
冊俸祿毋庸趕裁。其緣事革職之員。雖事在截
俸日期以後。原冊俸祿仍行裁除。僮俸冊有不
依限送部。及有事故應扣不扣。經吏兵二部查
出。即行查議。○二十八年覆准。滿漢文武各員
緣事解任。在冊檔過部。未經放俸以前。回任在
放俸以後。不准領該季俸銀。已領者追繳。官餉

按月一解任回任。均以奉

旨之日為斷。解任在放俸日。准其支領。回任在放俸

日仍不准支領。○又覆准滿漢文武官員奉

旨以原品休致。賞食全俸半俸。並休致後由兵部奏
准題准賞給全俸半俸者。任內降革留任之案。
均毋庸覈扣。仍照原品支食俸祿。○二十九年
覈准在京正品文員。遇有降一級留任處分。毋
庸覈扣俸銀。○三十年覆准。欽天監官員。告假
回籍省親。葬親。修墓等事。覈計離任日期。在三
箇月以內者。准其支領三箇月俸祿。如在三箇
月以外者。全季坐扣。如在截俸日期以後銷假
者。應領三箇月。亦行裁除。○又奏准。予告及休

致官員奉

旨賞給全俸者。止支正俸。不准兼支

恩俸。○咸豐元年覆准。在京巡捕營分發武職。由現任分發者。於到營日。照原銜支食俸薪。由候補分發及原無職銜

特旨分發者。到營以後。未署缺以前。有職銜者。照銜給予一半俸薪。無職銜者。給把總一半俸薪。如署缺卸事後。仍在營當差。亦准支食一半俸薪。其心紅馬乾等銀。概不支給。○三年奏准。發往東南兩河學習人員。給裁撤薪水銀兩。以節糜

費將節省銀兩。按年報覈。○十年議准。八旗官員告假出外。均於起程之日。停領俸銀。如起程日期。在俸檔過部以前。即行聲明停領。如在俸檔過部以後。未及停領者。入檔俸銀。於領出時。即行出咨送部交納。俟該員回京之日。覈計原給假限。並往返程途。分別辦理。其病故官員。如在俸檔過部以前。未及裁扣。入檔俸銀。亦即送部交納。不許遲延。○十一年覆准。理藩院差務繁多。其滿洲蒙古員外郎以下。遇有出差推升得缺者。未經引

見以前。仍食原俸。差滿回京。補行引

見後。始准照升任食俸。○同治四年覆准。凡部院額外官。係考選錄用。及出力保奏滿員。原係食俸暨食錢糧之員。漢員原係食俸之員。奉

旨試用行走者。准給正俸。若革職降調。不勝外任對品調旗之員。奉

旨在各衙門京員。上行走者。得缺以前。不給俸。○五年覆准。各衙門候補主事等官。原係例食正俸之員。又奉

特旨賞給郎中員外郎者。或保至免補主事。作為候

補郎中員外郎。准其支食郎中員外郎正俸。○
六年覆准。凡捐納到部之主事員外郎郎中等
官。旋經中式進士。引

見未蒙改官。奉

旨以某部主事員外郎郎中即用即補者。於引

見奉

旨指用部屬之日起。按照

特用之例。起支正俸。